

O'ZBEKISTON RESPUBLIKASI  
VAZIRLAR MAHKAMASINING  
QARORI



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

“29 „ апрель 20 19 г.

№ 363

Ioshkent sh.

**Ваколатли иқтисодий оператор институтини  
жорий этиш чора-тадбирлари тўғрисида**

Ўзбекистон Республикаси Президентининг “Божхона маъмуриятчилигини такомиллаштириш ва Ўзбекистон Республикаси давлат божхона хизмати органлари фаолияти самарадорлигини ошириш бўйича кўшимча чора-тадбирлар тўғрисида” 2018 йил 24 ноябрдаги ПФ-5582-сон Фармони ижросини таъминлаш, шунингдек, божхона тартиб-таомилларини янада соддалаштириш ва халқаро стандартларга мувофиқ халқаро савдо хавфсизлигини таъминлаш мақсадида Вазирлар Маҳкамаси **карор килади:**

1. Ўзбекистон Республикаси Президентининг “Божхона маъмуриятчилигини такомиллаштириш ва Ўзбекистон Республикаси давлат божхона хизмати органлари фаолияти самарадорлигини ошириш бўйича кўшимча чора-тадбирлар тўғрисида” 2018 йил 24 ноябрдаги ПФ-5582-сон Фармонига асосан 2019 йил 1 февралдан бошлаб, Ўзбекистон Республикаси Вазирлар Маҳкамаси томонидан белгиланадиган талабларга жавоб берадиган, ташки иқтисодий фаолиятнинг ҳалол иштирокчиларига соддалаштирилган божхона тартиб-таомилларидан фойдаланиш хукукини тақдим этишини назарда тутувчи халқаро стандартларга мувофиқ ваколатли иқтисодий операторлар институти жорий этилганлиги маълумот учун қабул қилинсин.

2. Ваколатли иқтисодий операторлар тўғрисидаги низом иловага мувофиқ тасдиқлансан.

3. Ўзбекистон Республикаси Давлат божхона кўмитаси:

2019 йил 1 июнгача ваколатли иқтисодий операторлар институтини жадал ривожлантириш мақсадида Ваколатли иқтисодий операторлар реестрига киритиш мезонларига мос келадиган юридик шахсларни тажриба сифатида танлаб олсин;

тажриба доирасида танлаб олинган юридик шахсларни уларнинг розилиги билан Ваколатли иқтисодий операторлар реестрига киритишни ва божхона операцияларини амалга оширишда соддалаштирилган божхона тартиб-таомилларидан фойдаланиш хукуки бўйича тушутиришлар берилишини таъминлансан;

2019 йил 1 декабргача Ўзбекистон Республикаси Инвестициялар ва ташки савдо вазирлиги, Савдо-саноат палатаси билан биргаликда махсус соддалаштиришлар рўйхатини, шунингдек, Ваколатли иқтисодий операторлар реестрига киритиш учун танланган мезонларини янада такомиллаштириш ёки кенгайтириш бўйича таклифлар киритсан;

ушбу қарорнинг моҳияти ва аҳамияти оммавий ахборот воситаларида, шунингдек, ташқи иқтисодий фаолият иштирокчилари орасида кенг ёритилиши таъминлансан.

4. Ўзбекистон Республикаси Давлат божхона қўмитасининг ахборот тизимлари ҳамда маълумотлар базаларини интеграциялаштириш ва мавжуд маълумотлардан ноқонуний фойдаланиш имконини бермайдиган ҳимояланган алоқа каналларини таъминлаш орқали давлат божхона хизмати, ички ишлар, прокуратура ва солик органлари ўргасида аниқланган ва фош қилинган жиноятлар ёки бошқа тергов натижалари, жиноятларни содир этган шахслар, шунингдек, соликлар бўйича қарздорлик (жарималар, пенялар ва солик қонунчилик соҳасидаги бошқа хукуқбузарликлар) бўйича ахборот алмашишнинг электрон шаклини жорий этиш тўғрисидаги таклифига розилик берилсан.

5. Ушбу қарорнинг бажарилишини назорат қилиш Ўзбекистон Республикаси Бош вазирининг инвестициялар ва ташқи иқтисодий алоқалар масалалари бўйича ўринbosари Э.М.Фаниев ва Ўзбекистон Республикаси Давлат божхона қўмитаси раиси М.Б.Азимов зиммасига юклансин.

Ўзбекистон Республикасининг  
Бош вазири



А.Арипов

Вазирлар Маҳкамасининг  
2019 йил 29 апрелдаги  
363-сон қарорига  
илова

## Ваколатли иқтисодий операторлар тўғрисида НИЗОМ

### 1-боб. Умумий қоидалар

1. Мазкур Низом ваколатли иқтисодий оператор мақомини олиш масалаларини тартибга солиш тартибини, шунингдек, божхона операцияларини амалга оширишда бериладиган махсус соддалаштиришлар тоифалари ва турларини белгилайди.

2. Ушбу Низомда кўйидаги асосий тушунчалардан фойдаланилади:

**ваколатли иқтисодий оператор (кейинги ўринларда оператор деб аталади)** – божхона операцияларни амалга оширишда соддалаштирилган божхона тартиб-таомилларидан фойдаланиш учун ушбу Низом талабларига жавоб берувчи юридик шахсларга бериладиган мақом;

**махсус соддалаштиришлар** – ваколатли иқтисодий операторнинг тоифасига караб қўлланиладиган алоҳида божхона операциялари ва божхона назоратини амалга ошириш хусусиятлари;

**Ваколатли иқтисодий операторлар реестри (кейинги ўринларда Реестр деб аталади)** – божхона операцияларни амалга оширишда соддалаштирилган божхона тартиб-таомилларидан фойдаланиш хукуки берилган юридик шахсларнинг Ўзбекистон Республикаси Давлат божхона кўмитаси (кейинги ўринларда Кўмита деб аталади) томонидан шаклланитириладиган ва Кўмитанинг расмий веб-сайтида жойлаштириладиган рўйхати;

**юридик шахснинг (операторнинг) ваколатли шахси** – тегишли шартнома ёки ишончнома асосида юридик шахс номидан ҳаракат қилувчи шахслар;

**ваколатли органлар** - суд, прокуратура органлари, шу жумладан Ўзбекистон Республикаси Бош прокуратураси хузуридаги Иқтисодий жиноятларга қарши курашиб департаменти, Мажбурий ижро бюроси, шунингдек, солик органлари.

3. Оператор ва махсус соддалаштиришлар кўйидаги тоифаларга киради:

“А” тоифаси;

“Б” тоифаси.

4. Оператор Реестрга киритилган вақтдан бошлаб, хавф даражаси паст бўлган тоифага киради.

5. Давлат бошқаруви органлари ва маҳаллий давлат ҳокимияти органлари операторлар бўла олмайди.

### 2-боб. Махсус соддалаштириш тоифалари

6. “А” тоифасини ва унбу тоифадаги махсус соддалаштиришлардан фойдаланиш хукуқини олиш учун юридик шахс мазкур Низомининг 12-бандида назарда тутилган мезонларга мос келини лозим.

7. “Б” тоифасини ва ушбу тоифадаги маҳсус соддалаштиришлардан фойдаланиш ҳуқуқини олиш учун оператор камидан бир йил “А” тоифасидаги оператор сифатида ташки иқтисодий фаолиятни амалга ошириши ва “Б” тоифасини олиш учун ариза тақдим этиши шарт.

8. Операторнинг тоифаси ва ушбу тоифадаги маҳсус соддалаштиришлар юридик шахс (оператор) Реестрга киритилган кундан бошлаб кучга киради.

### **3-боб. Реестрни шакллантириш**

9. Реестр Кўмитанинг юридик шахсни Реестрга киритиш ҳақидаги қарорига асосан шакллантирилади.

Юридик шахсни Реестрга киритиш, шунингдек, мақомни тўхтатиб туриш, қайта тиклаш ёки операторни Реестрдан чиқариш тўғрисидаги қарор Кўмитанинг фармойиши кўрининшида кабул қилинади.

10. Кўмита юридик шахсни Реестрга киритиш, шунингдек, унинг мақомини тўхтатиб туриш, қайта тиклаш ёки операторни Реестрдан чиқариш тўғрисидаги қарор кабул қилингандан сўнг ушбу маълумотни ўзининг расмий веб-сайтида жойлаштиради.

11. Ваколатли иқтисодий оператор мақоми ушбу Низомга 1-иловага мувофиқ схема бўйича берилади.

### **4-боб. Реестрга киритиш учун танлаш мезонлари**

12. Реестрга киритиш ҳақида ариза берилган пайтда юридик шахс қўйидаги мезонларга мос келиши лозим:

божхона органларига мурожаат қилингунга қадар Ўзбекистон Республикаси Маъмурий жавобгарлик тўғрисидаги Кодексининг 174, 175, 176, 177 ва 227-227<sup>27</sup>-моддаларида назарда тутилган ҳуқуқбузарлик учун юридик шахснинг раҳбари ва бош бухгалтери, шунингдек, ваколатли шахсининг маъмурий жавобгарликка жалб қилингандик холатлари мавжуд бўлмаслиги;

божхона органларига мурожаат қилингунга қадар сўнгги беш йил мобайнида юридик шахснинг раҳбари ва бош бухгалтери, шунингдек, ваколатли шахси Ўзбекистон Республикаси Жиноят Кодексининг 182, 184, 189, 209, 228 ва 246-моддаларида назарда тутилган жиноят учун жиноий жавобгарликка тортилган холатлари мавжуд бўлмаслиги;

соликлар ва бошқа мажбурий тўловларни, шу жумладан улар бўйича жарима ва пениялар тўлаш юзасидан қарздорлик мавжуд бўлмаслиги;

божхона органларига мурожаат қилгунга қадар камидан уч йил ташки иқтисодий фаолият амалга оширилган бўлиши;

товарларни саклаш учун омбор сифатида фойдаланишга мўлжалланган (фойдаланиш ёки эгалик қилиш ҳуқуқида) ишиштадар, бинолар (биноларининг бир қисми) ва (ёки) очик майдончаларга (очик майдончаларнинг бир қисми) эга бўлиш;

импорт ва (ёки) экспорт қилинган товарларнинг фактура киймати бл йилда камидан 2 млн АҚШ доллари эквивалентини ташкил қилиши ва сўнгги ўн икки ой мобайнида камидан 100 та импорт ва (ёки) экспорт божхона юк декларацияси расмийлаштирган бўлиши ёки тўланган божхона тўловларининг суммаси энг кам ойлик иш ҳақининг камидан 20 000 баробарини ташкил қилиши ва камидан 50 та импорт ва (ёки) экспорт божхона юк декларацияси расмийлаштирган бўлиши лозим.

13. Кўмита ҳар йили амалга оширилган ўрганишлар якунлари бўйича оператор фаолиятиниң ушбу Низом 12-бандида келтирилган мезонларга мослиги тўғрисидаги хуносат тузади.

**5-боб. Реестрга киритиш тўғрисида ариза  
бериш ва уни кўриб чиқиш тартиби**

14. Юридик шахс Реестрга киритиш учун Кўмитага ушбу Низомга 2-иловага мувофиқ шакл бўйича ёзма ариза тақдим этади.

Аризани давлат хизматлари марказлари орқали ҳам тақдим этиш мумкин.

15. Аризага алоҳида ҳужжатлар илова қилинмайди, агарда Кўмита бундай ҳужжатлар ҳақидаги маълумотларни ва (ёки) улардаги маълумотларни давлат божхона органлари фойдаланадиган ахборот тизимлари, шунингдек, идоралараро ахборот ҳамкорлиги доирасида давлат органлари ва бошқа ташкилотларнинг ахборот тизимлари орқали олиши мумкин бўлса.

16. Кўмита аризани рўйхатга олинган кундан бошлаб 30 иш куни ичидан кўриб чиқади.

Аризани кўриб чиқиш учун йигим ундирилмайди.

17. Кўмита ушбу Низомнинг 16-бандида белгиланган муддатдан кечиктирмай, юридик шахсни Реестрга киритиш ёки киритишни рад этиш тўғрисида ёзма хабарнома юборади.

Юридик шахснинг ушбу Низомнинг 12-бандида кўрсатилган мезонларга мувофиқ эмаслиги уни Реестрга киритишни рад этишга сабаб бўлди.

18. Оператор Реестрга киритилган кундан эътиборан маҳсус соддалаштиришлардан фойдаланиш ҳуқуқига эга.

**6-боб. Божхона операцияларни амалга ошириш учун  
маҳсус соддалаштиришлар турлари**

19 “А” тоифасидаги операторга қўйидаги маҳсус соддалаштиришлар тақдим этилади:

товар ва транспорт воситаларини чиқариш тўғрисида қарор қабул қилинганда, операторнинг товарлари ва транспорт воситаларига божхона назорати шаклларини қўлламаслик, таваккалчиликларни бошқариш тизими томонидан белгиланадиган чоралар бундан мустасно;

товарларни декларациялаш ва чиқариш билан боғлиқ божхона операцияларни биринчи навбатда амалга ошириш;

оператор томонидан ташиладиган товарларга нисбатан товарни ташиш йўналишини белгиламаслик;

операторнинг товарларини божхона жўнатиш органидан белгиланган жойга божхона тўловлари тўланиши таъминламасдан етказиб бериш;

товарларни опреторнинг очик майдонлари, бинолари ва бошқа ҳудудларига божхона назоратида жойлаштириш;

божхона органлари билан келишилган ҳолда, опреторнинг очик майдонлари ва бошқа ҳудудларида товарларни чиқариш билан боғлиқ божхона операцияларини амалга ошириш;

опраторнинг транспорт воситасида божхона транзити амалга оширилаётганда божхона тўловлари тўланиши таъминланишини талаб қилмаслик;

божхона тўловлари тўланишини таъминламасдан, божхона тўловларини бўлиб тўлаш ва (ёки) муддатини йигирма иш кунигача кечиктирган ҳолда, товарларни эркин муомалага чиқариш.

20. “Б” тоифасидаги операторга “А” тоифасига кўшимча равища кўйидаги маҳсус соддалаштиришлар тақдим этилади:

товарларни чиқарища уларнинг божхона қийматини шартли равища аниқлашда божхона тўловлари тўланиши таъминланишини талаб қилмаслик;

алоҳида хужжатлар (мувофиқлик сертификати) мавжуд бўлмагандан, товарларни (озик-овқат товарлари ва фармацевтика маҳсулотлари бундан мустасно) шартли равища чиқариш ва хужжатларни кейинчалик олтмиш календарь куни давомида тақдим этиш;

экспортга жўнатиладиган товарлар юкланган транспорт воситаларининг юк хонатари (отсеклари) ёки уларнинг бир кисмига оператор томонидан кўйилган пломбаларни давлат божхона хизмати органлари томонидан идентификация воситалари сифатида тан олиниши;

божхона тўловлари тўланишини таъминламасдан, божхона тўловларини бўлиб тўлаш ва (ёки) муддатини олтмиш иш кунигача кечиктирган ҳолда, товарларни эркин муомалага чиқариш;

давлат божхона хизмати органлари томонидан божхона операцияларини амалга ошириш вақтини қисқартириш ва тартибини такомиллаштириш бўйича амалга ошириладиган тажриба лойиҳалари сиповларда иштирок этиш;

божхона масалаларини мувофиқлаштириш ва хал қилишда оспаторга кўмаклашиш учун давлат божхона хизмати органларининг масъул ходимини (кейинги ўринларда координатор деб аталади) тайинлаш.

### **7-боб. Операторларни ўзаро тан олиш**

21. Ўзбекистон Республикасининг “Б” тоифасидаги операторларига ушбу Низомда назарда тутилмаган ва Ўзбекистон Республикаси ўзаро тегишли шартномалар тузган хорижий давлатлар худудида қўлланиладиган бошқа имтиёзлар ва маҳсус соддалаштиришлар тақдим этилиши мумкин.

22. Ўзбекистон Республикасининг халқаро шартномаларига мувофик ушбу Низомда назарда тутилган имтиёзлар ва маҳсус соддалаштиришлар хорижий давлатларнинг ваколатли хўжалик юритувчи субъектларига ҳам ўзаро асосда берилиши мумкин.

### **8-боб. Оператор мақомини тўхтатиб туриш ва қайта тиклаш**

23. Оператор мақоми қўйидаги ҳолатларда тўхтатиб турилади:

Ўзбекистон Республикаси Маъмурий жавобгарлик тўғрисидаги кодексининг 174, 175, 176, 177, 227-227<sup>27</sup>-моддаларида назарда тутилган хукуқбузарликлар учун операторнинг раҳбари ёки бош бухгалтери, шунингдек, ваколатли шахсини маъмурий жавобгарликка тортиш тўғрисида суд карори кучга киргандা;

Ўзбекистон Республикаси Жиноят кодексининг 182, 184, 189, 209, 228 ва 246-моддаларида назарда тутилган жиноятларни содир этганилиги учун операторнинг раҳбари ёки бош бухгалтери ёхуд ваколатли шахсига нисбатан жиноят иши қўзғатилганда;

хабарномада белгиланган муддатда солиқлар ва бошқа мажбурий тўловларни тўлаш бўйича мажбуриятлар бажарилмаганда ёки тўлиқ бажарилмаганда;

ушбу Низомнинг 12-банди еттиинчи хатбошига мувофиқ белгиланган импорт ва экспорт кўрсаткичлари камайганда.

24. Ушбу Низомнинг 23-бандида назарда тутилган асослар мавжуд бўлса. Кўмита операторнинг мақомини тўхтатади ва тегишли қарор қабул қилинганидан сўнг бир иш кунидан кечиктиргмаган ҳолда уни бу ҳақда ёзма равишда хабардор киласди.

**25. Куйидагилар юзага келганда:**

23-банднинг иккинчи хатбошида назарда тутилган ҳолатда – тўхтатиб туриш муддати бир йили;

23-банднинг учинчи хатбошида назарда тутилган ҳолатда – тўхтатиб туриш муддати суднинг оқлаш хақидаги қарори чиққунига қадар бўлган даврни;

23-банднинг тўртинчи хатбошида назарда тутилган ҳолатда – тўхтатиб туриш муддати ўттиз иш кунини;

23-банднинг бешинчи хатбошида назарда тутилган ҳолатда – тўхтатиб туриш муддати 12-банднинг еттинчи хатбошида кўрсатилган мезонларга мувофиқ ҳолга келтирилгунга қадар бўлган, лекин бир йилдан ортиқ бўлмаган даврни ташкил киласди.

26. Мақомни тўхтатиб туриш билан боғлиқ ҳолатларни бартараф этилганда ёки суднинг оқлаш хақидаги ҳукми чиқарилганда, оператор беш иш куни ичida Кўмитага тегишили хабарнома юборади.

27. Кўмита хабарномани олган кундан эътиборан беш иш куни ичida операторнинг мақомини қайта тиклаш ёки қайта тиклашни рад этиш тўғрисида қарор қабул қиласди ва қабул қилинган қарор тўғрисида уни хабардор киласди.

Ушбу Низомнинг 23-бандида келтирилган ҳолатларнинг бартараф этилмаслиги мақомни қайта тиклашни рад этишга сабаб бўлади.

**9-боб. Операторларни Реестрдан чиқариш тартиби**

**28. Оператор қуйидаги ҳолларда Реестрдан чиқарилади:**

операторнинг ўз хохиши билан Реестрдан чиқариш тўғрисидаги ёзма мурожаати бўйича;

оператор мақомига эга бўлган юридик шахс қонун хужжатларида белгиланган тартибда тутатилган тақдирда;

Ўзбекистон Республикаси Жиноят кодексининг 182, 184, 189, 209, 228 ва 246-моддаларида назарда тутилган жиноятларни содир этганилиги учун операторнинг раҳбари ёки бош бухгалтери ёхуд ваколатли шахсига нисбатан суд ҳукми кучга кирганда;

оператор мақомини тўхтатиб қўйишига олиб келган ва ушбу Низомнинг 23-банди тўртинчи хатбошида назарда тутилган ҳолатлар ўтгиз иш куни ичидаги бартараф этилмаганда;

оператор мақомини тўхтатиб қўйишига олиб келган ва ушбу Низомнинг 23-банди бешинчи хатбошида назарда тутилган ҳолатлар бир йил ичидаги бартараф этилмаганда;

оператор қайта ташкил этилганда, ўзгартириш орқали қайта ташкил этиш бундан мустасно;

оператор мақоми ваколатли орган томонидан тақдим этилган ва бундай мақомни бериши учун асос бўлиб хизмат қилган ишончсиз маълумотлар асосилда берилгани аниқланганда;

оператор томонидан ушбу Низомнинг 32-бандида назарда тутилган мажбуриятлар бир йил мобайнида икки мартадан ортиқ бажарилмаганда.

29. Кўмита ушбу Низомнинг 28-бандида назарда тутилган асослар юзага келиши тўғрисида хабар олинган кундан бошлаб беш иш кунидан кечиктирмасдан, операторни Реестрдан чиқариш тўғрисида қарор қабул қиласди.

Кўмита операторни Реестрдан чиқариш тўғрисида қарор қабул қилинган кундан эътиборан бир иш куни ичидаги чиқариш учун асосларни кўрсатган ҳолда, операторни бу ҳакда ёзма равишда хабардор киласди.

30. Оператор Реестрдан чиқарилган тақдирда, юридик шахс уч йилдан сўнг, ушбу Низомнинг 28-банди тўртинчи хатбошида келтирилган ҳолатда – беш йилдан сўнг Реестрга киритиш тўғрисида такроран ариза бериш хукуқига эга.

## **10-боб. Операторнинг хукуқ ва мажбуриятлари**

31. Оператор қўйидаги хукуқларга эга:

Реестрга киритилган кундан бошлаб, ушбу Низомнинг 6-бобида назарда тутилган маҳсус соддалаштиришлардан фойдаланиш, оператор мақомини тўхтатиб туриш ҳолати бундан мустасно;

координатор ёрдамида божхона масалалари юзасидан белгиланган тартибда маълумот ва маслаҳатлар олиш;

божхона операцияларини маҳсус соддалаштиришларни кўллаган ҳолда амалга оширишига масъул раҳбарлар ва ўз штатидаги шахслар орасидан координатор билан ўзаро ҳамкорлик қилиши учун масъул шахсни белгилаш.

Оператор конун хужжатларига мувофиқ бошқа хукуқларга ҳам эга бўлиши мумкин.

32. Оператор қўйидагиларга мажбур:

Реестрга киритилганидан сўнг ушбу Низомнинг 12-бандида келтирилган мезонларга мувофиқ бўлиши;

божхона органларига Реестрга киритишда тақдим этилган маълумотлар ўзгариши ҳақида хабар бериш ва бундай ўзгаришларни тасдиқловчи хужжатларни ушбу маълумотлар ўзгарган кундан эътиборан беш иш куни ичидаги тақдим этиш;

бўлиб тўлашга рухсат берилган ёки муддати кечиктирилган божхона тўловларининг божхона органлари томонидан конун хужжатларига мувофиқ юборилган хабарномада кўрсатилган муддатнинг охирги кунидан кечиктирмасдан тўланишини таъминлаш;

давлат божхона хизмати органлари мансабдор шахслари операторларнинг божхона назоратида турган товарлар сакланаётган иншоотлари, бинолари (биноларнинг қисмлари) ва (ёки) очиқ майдонларига (очиқ майдонлар қисмларига) тўсиқсиз кириши тўғрисида давлат божхона хизмати органларининг талабларини бажарип;

давлат божхона хизмати органлари талабларига мувофиқ божхона назоратини амалга ошириш учун зарур бўлган маълумотларни тақдим этиш;

давлат божхона хизмати органи божхона назорати шакллари ва божхона назоратининг амалга оширилишини таъминлаш чораларини кўллаш зарурлиги тўғрисида хабар бермаган тақдирда, товарлар чиқарилгунинг қадар конунбузарликларни мустақил равишда аниқланаш ва бартараф этиш;

товарларни декларациялаш ва ҳисобга олиш бўйича божхона операцияларини амалга ошириш учун зарур бўлган автоматлаштирилган тизимга эга бўлиш.

Оператор конун хужжатларига мувофиқ бошқа мажбуриятларга ҳам эга бўлиши мумкин.

### **11-боб. Оператор фаолиятини назорат қилиш**

33. Агар назорат чораси таваккалчиликларни бошқариш тизимида мавжуд бўлса, давлат божхона хизмати органлари томонидан конун хужжатларида белгиланган тартибда операторларнинг товарларига нисбатан божхона назорати шакллари кўлланиши мумкин.

34. Божхона назоратида бўлган операторнинг товарларига хукукий таъсир чораларини кўллаш (чеклаш) бўйича ваколатли органлар томонидан тақдим этилган асослар мавжуд бўлса, давлат божхона хизмати органи ушбу товарларга нисбатан божхона тартиб-таомилларини ваколатли органнинг алоҳида карори қабул килингунинг қадар тўхтатиб туради.

Ваколатли органлар аниқланган ва фоп этилган жиноятлар ёки бошқа тергов иатижалари, жиноятларни содир этган шахслар, шунингдек, операторларнинг солиқлар бўйича карздорлиги (жарималар, пенялар ва бошқа хукукбузарликлар) тўғрисида уч иш кунидан кечиктирмасдан, давлат божхона хизмати органларини ахборот тизимлари орқали (мавжуд ахборотдан поқонуний фойдаланиш имконини бермайдиган ҳимояланган алоқа каналлари орқали) ҳабардор қилиши шарт.

### **12-боб. Давлат божхона хизмати органларининг операторлар билан ўзаро ҳамкорлиги**

35. Кўмита операторнинг Ўзбекистон Республикаси божхона қонунчилиги ва унбу Низом талабларига риоя этиши юзасидан назоратни таъминлайди.

36. Давлат божхона хизмати органлари ушбу Низомда белгиланган тартибда оператор декларант бўлган товарларга нисбатан божхона операцияларини амалга оширади.

37. Божхона органлари маҳсус соддалаштиришларни қўллашида, шу жумладан божхона қонунчилигини қўллаш масалалари юзага келганда, операторлар билан ўзаро ҳамкорликни мувофиқлаштириш мақсадида бундай ўзаро ҳамкорликни ташкил этиш учун масъул ходимларни (координаторларни) белгилаши мумкин.

### **13-боб. Якунловчи қоидалар**

38. Давлат божхона хизмати органлари мансабдор шахсларининг қарорлари, шунингдек, ҳаракатлари (ҳаракатсизликлари) юзасидан Ўзбекистон Республикаси қонун ҳужжатларига мувофиқ шикоят қилиниши мумкин.

39. Давлат божхона хизмати органлари айрим операторларга қайд этилган фаолиятни амалга ошириш учун бошқа имтиёзли шартоитлар яратишга ҳакли эмас.

40. Ушбу Низом талабларини бузганликда айбдор бўлган шахслар қонун ҳужжатларида белгиланган тартибда жавобгар бўладилар.

Ваколатли иқтисодий  
операторлар тұғрисидаги низомга  
1-илова

**Юридик шахсни Ваколатли иқтисодий операторлар реестрига киритиш  
СХЕМАСИ**

Босқычлар	Субъектлар	Тадбирлар	Муддат
1-босқыч	Юридик шахс	<p>Ваколатли иқтисодий операторлар реестрига киритиш тұғрисида Давлат божхона құмитасига ариза тақдим этади:</p> <p>а) ёзма шаклда бевосита; б) давлат хизматлари марказлари орқали.</p>	Юридик шахснинг хошишига күра
2-босқыч	Давлат божхона құмитаси	<p>1. Аризани күриб чиқади. 2. Аризани күриб чиқиш якуnlари бүйіча юридик шахсга күйидагилар ҳақида хабарнома юборади:</p> <p>а) Ваколатли иқтисодий операторлар реестрига киритиш тұғрисида; б) Ваколатли иқтисодий операторлар реестрига киритишни рад этиш тұғрисида.</p>	30 кундан ошмаган муддатда
3-босқыч	Давлат божхона құмитаси	<p>1. Юридик шахсни Ваколатли иқтисодий операторлар реестрига киритиш тұғрисида қарор қабул қиласы.</p> <p>2. Ваколатли иқтисодий операторлар реестрига киритилганды юридик шахслар ҳақидағы ахборотни Давлат божхона құмитасининг расмий веб-сайтида жойлаштиради.</p>	Қарор қабул қилинган кунда

Ваколатли иқтисодий операторлар  
тўғрисидаги низомга  
2-илова

Ўзбекистон Республикаси  
Давлат божхона қўмитаси

Ваколатли иқтисодий операторлар реестрига киритиш ҳақида  
**АРИЗА**

(юридик шахснинг тўлиқ номи)

(СТИР)

Ваколатли иқтисодий операторлар реестрига киритинни ва қуидаги маҳсус  
соддалаштиришлар тоифасини беришини сўрайди:

“A”

“B”

ва Вазирлар Маҳкамасининг 2019 йил 29 апрелдаги 363 -сон қарори билан  
тасдикланган Ваколатли иқтисодий операторлар тўғрисидаги низомнинг  
4-бобида белгиланган мезонларга мувофиқлигини маълум қилади.

(ариза берувчи раҳбарининг лавозими)

(ариза берувчининг имзоси)